

南開大學中國社會史研究中心資料叢刊

近代旅遊指南彙刊二編

5



鳳凰出版社

南開大學中國社會史研究中心資料叢刊

近代旅遊指南叢刊
編 5



鳳凰出版社

第五冊

青島名勝遊覽指南 青島市工務局 編 民國二十三年……………一

青島 倪錫英 著 中華書局 民國二十五年……………六七

千山 楊師程 李連信 編 遼陽縣史迹名勝保存會 民國二十九年……………二三三

西京 倪錫英 著 中華書局 民國二十五年……………二八一

申江名勝圖說 管可壽齋木刻本 光緒十年……………四三三

青島名勝遊覽指南

青島市工務局 編

民國二十三年



青島 名勝遊覽指南

Greater Tsingtao's Motor Roads

WITH

Its Localities of Interest

MAY 1934

青島市名勝游覽指南目錄

序

青島市名勝道路圖（添註英文）

青島市市區圖

市區之名勝

鄉區之名勝

附勞山其他名勝

勞山內舊有之路線

游覽之行程與時間

袁珏生先生青島紀游詩

呂美蓀女士游覽青島及勞山各名勝近體詩選錄

目

録

二

青島市名勝游覽指南

序

夫朝夕辛勞，須有暇日以休養，城市枯燥，必賴山林之調和，斯乃張弛之勝規，遊豫之極致也。況深山絕壑，鳥道羊腸，逸士借以匿迹，猿鶴於焉居處。一旦鑿石壘梯，連崖布橋，源泉露流，奇峯呈象，化險巖爲平易，啓千古之秘局，焉得不令人景行嚮往快意欣賞者乎。青島風景，銳者稱爲華北之冠，而勞山之名，且與秦嶽並重，惟山深路阻遊人每望而却步，尙爲美中不足耳。鄙人承乏工務，遵奉

沈市長意旨，新開道路百餘條，與舊有道路合計共爲四百五十條，逕竄如旋甕灣，陡峻如梯子石，均修石級人行道，現在復將山內未經改修之路，稍加整治，並將山內路旁石上所刊之號碼，重新標明俾易識別，蓋已四達五會，踰躡交錯，登陟之勞，較前稍紓，一切名勝真面目得由羣衆共觀矣。但以路線縱橫，羅野環山，細密既如珠網，形狀儘成輻射，凡來自異地之旅客，每有歧路徘徊，識途爲難之慨，自非依據詳確之圖說，未易左右咸宜，瞭如指掌也


序

二

。茲就本市名勝擇要敘述，舉凡位置方向道路環境暨行程時間，悉陳其梗概，並於所附名勝道路地圖內添註英文地名，俾便外僑取閱。雖不免掛漏之譏，聊以資游覽之助。如荷高明惠賜指正，俾獲攻錯，實爲厚幸。

中華民國二十三年五月上浣嶧縣邢契莘誌。

青島市區圖



市區之名勝

(1)

市政府所在地 市政府位於市區之南部，前有海中之青島，後有觀海、觀象、信號、諸山，儼若南北屏障，團島角在西，會泉角在東，伸入海中，遙爲犄角。市政府附近之道路由市政府門前公園爲起點者，有沂水路、德縣路、莒縣路、日照路、青島路、共五路，沂水路由此向東北連江蘇路平原路口，德縣路由此向西北通中山路保定路口，莒縣路由此向西南通廣西路安徽路口，日照路由此向東南通廣西路江蘇路口，青島路由此通海岸接收紀念碑，爲南北縱路線。

市政府前與海岸間有湖南路、廣西路、太平路，爲東西橫路線。

(2)

觀海山 此山位於市區第一區之中部，在市政府之北，觀象山之西南，信號山之正西。海拔六十餘公尺。遍山植松。山巔有平台，可以觀海，名曰觀海台，爲民國十六年所興建，登台遙望，海西膠州灣之形勢，歷歷在目。環山有道路，山麓西南兩面爲觀海一路，東北面爲平原路，環行山腰者爲觀海二路，一、二、兩路平原路之間，有青磚便道

七，以資聯絡。山北自觀海二路北口起，向西北通黃島路，與安徽路觀海一路相連，西北行經黃島路四方路通中山路口，西南行經安徽路，可達第六公園南。行經觀海一路，可至市政府。向東北過平原路通觀象一路，可與觀象二路相連，而達觀象山觀象台。向西北過平原路通濟寧路口。向東南經平原路通江蘇路沂水路口。

(3)

觀象山(亦名測候山)

此山位於市區第一區之中部偏北，在觀海山之北，伏龍山之西

，信號山之西北。海拔七十九公尺。上設觀象台故名。當市之中央，登高遠眺，一覽無餘。上有自來水貯水池一座，以供觀象台及山上住戶之用。並有觀象山公園，以便遊覽。望火塔，以便消防。跨山有觀象二路，北口通膠州路、上海路、熱河路、江蘇路口，南口通觀象一路，與平原路相連。由此山向南至市政府，須經觀象二路、觀象一路、平原路、沂水路，距離五百九十公尺。

(4)

信號山(舊名掛旗山)

此山位於市區第一區之中部偏東，在伏龍山之南，觀象山之東

南，觀海山之正東。海拔一百公尺。上建信號旗台，為輪船入港傳遞信號之所，故名。山之南麓有市長官舍，現改為迎賓館(總管時稱提督樓)。登山觀海，較之觀海山尤能

遠望。每屆端午，又爲士女採艾揭露之所。山之西南兩面有龍山路，向北通江蘇路，向西南通龍口路、平原路、沂水路、江蘇路口。山之北有齊東路，向西通龍山路口。山之東北有信號山支路，西與齊東路相連，東與信號山路相連。山之東有信號山路，向東北經龍江路通萊蕪二路，向南通華山路、龍山路、恆山路口。由此至市政府，須經龍山路、江蘇路、沂水路，距離九百七十公尺。

(5)

伏龍山 此山位於市區第一區之中部偏東北，在貯水山之西南，觀象山之正東。青島山之正西，觀海山之東北，信號山之正北。海拔九十公尺。山之西北有伏龍路，向北通山北之萊蕪二路，向西通萊蕪一路，向西南通江蘇路、龍山路口。山之東南有齊東路，向東北經萊蕪二路與登州路相銜接，由此北向可至東鎮，東南向陰島路王村路可至中山公園，體育場，南向經大學路可至山東大學。由此山至市政府須經伏龍路、江蘇路、沂水路，距離一千零五十公尺。

(6)

貯水山 此山位於市區第二區之東部，在青島山之西北，伏龍山觀象山之東北。海拔九十餘公尺。兩峯對峙，中作凹形，形同馬鞍，故又有馬鞍山之號。德人舊有毛奇砲台

已鑿。現建貯水池二，東西對峙，東池長方形，面積六七二平方公尺，深三公尺，容量二千噸，西池略似扇面形，面積一四二八平方公尺，深三·五公尺，容量四千噸，爲青市自來水配水之中樞。山之西阿，有日人所築之青島神社，俗稱日本大廟。山之西有貯水山路，與山麓之黃台路相通，山之北有吉林路、遼寧路、山之東有泰山路，由此至市政府，須經貯水山路、黃台路、無棣路、熱河路、江蘇路、沂水路，距離二千二百二十公尺。

(7)

青島山 此山位於市區第一、二、三區之交界處，在貯水山之東南，伏龍山之正東，信號山之東北，太平山之西北。海拔一百三十餘公尺。德人建有俾士麥砲台，今已毀。山之西北有第二公園。山之東南，有中山公園。此山附近之道路，西北面有登州路，北通東鎮，西連泰山路，貯水山路、黃台路、齊東路、南通大學路。東面有西山路、京山路、北通登州路，東通中庸路、東山路，南通齊河路、福山路、王村路口。西南面有陰島路，北通登州路大學路口，南接齊河路而與京山路、王村路、福山路相通。由此山至市政府，須經大學路、黃縣路、湖南路，距離一千六百六十公尺。